



深般若波羅蜜，或當驚、怖，心生疑悔，不信不行。是深般若波羅蜜，當在阿鞞跋菩薩摩訶薩前說。是菩薩聞是甚深般若波羅蜜，不驚、不怖，心不疑悔，則能信行。若在新發意菩薩前，說是深般若波羅蜜，或當驚、怖，毀訾不信，若新發意菩薩，毀訾不信，種三惡道業，是業因緣故，久久難得阿耨多羅三藐三菩提。」

若菩薩不住色等，是習行般若波羅蜜者，是菩薩見色無常、苦等過罪，故不住色。若不住色，即是能習行般若波羅蜜。凡夫人見色著色故，起顛倒煩惱，失是般若波羅蜜道，以是故，不住者能習行般若波羅蜜。

是六波羅蜜，皆是善行法，以是故說，不住六度等，言各習其行，象、界、入，為習行般若波羅蜜。此中說不住因緣，所謂不得色等法住處，不得色等法習處。佛以此事難解，故更說因緣：不習色者，是菩薩見色過，故不住色中。不住色故不習。習色名取色相，若常、若無常等。

菩薩常行善法，正語、正業等積習純厚，故名習色。今菩薩欲行般若故，散壞是色不習。所以者何？過去色已隨滅；未來色未有故，不可習，現在色生時即滅故不住；若住一念尚無習，何況念念滅？是故此中說不習色因緣，三世色不可得。乃至十八不共法亦如是。若能如是觀諸法，散壞不取相，是名能習色等、習色等諸法實相。

菩薩摩訶薩，若行色等甚深者，則為失般若波羅蜜；若不行色甚深，是為得般若波羅蜜。凡夫鈍根，故言甚深，若有一心福德利根者，為非甚深。色等法甚深相為非色，何以故？怖畏心沒疑悔故，以色為甚深，色相則無深。

不應於新發意菩薩前，說是般若波羅蜜，新學菩薩聞是深智慧，則心沒，心沒故生疑悔、怖畏；若受一切空法，我云何當墮斷滅中？若不受者，佛所說法，何可不受？是故怖畏生疑悔。若心定，則生惡邪毀訾，毀訾果報，種三惡道因緣，久久難得無上

道。

佛告須菩提：「諸菩薩摩訶薩，發阿耨多羅三藐三菩提心，安隱多眾生，令無量眾生得樂，憐愍、安樂，饒益諸天人故。是諸菩薩行菩薩道時，以四事攝無量百千眾生，所謂布施、愛語、利益、同事；亦以十善道成就眾生。……自行大慈大悲，亦教他人令行大慈大悲，自得一一切種智，亦教他人令得一一切種智；自離一切結及習，亦教他人令離一切結及習；自轉法輪，亦教他人轉法輪。」

諸菩薩發阿耨多羅三藐三菩提心，安隱多眾生者，一切眾生中，無量無邊阿僧祇，除佛無能計知者。從佛得利益者不可數知。安隱者，眾生著常者教無常，著樂者教苦，著實者教空，著我者教無我，如是等名安隱。凡夫人聞是，當時雖不喜樂，久久滅諸煩惱，得安隱樂。菩薩求般若波羅蜜未得成就時，以今世、後世樂利益眾生。若得般若波羅蜜，已滅諸煩惱，亦以世間樂、出世間樂，利益眾生，若得無上道時，但以出世間樂利益眾生。以財施、法施攝取眾生，隨其所愛法為說。如是等以善法利益眾生。用事者，菩薩教化眾生，令行善法，同其所行；菩薩善心，眾生惡心；能化其惡，令同己善。故菩薩以四事攝眾生，菩薩自行十善道，亦以教人。自行六波羅蜜，亦以教他，乃至自轉法輪，亦教他轉法輪。

佛言：「若菩薩摩訶薩不分別色，不分別色相，不分別色性，不分別受、想、行、識，不分別識相，不分別識性。眼、耳、鼻、舌、身、意、色、聲、香、味、觸、法。眼界乃至意識界，亦如是。不分別欲界、色界、無色界，不分別三界相、性。不分別檀波羅蜜，乃至般若波羅蜜；內空乃至無法有法空；四念處乃至八聖道分；佛十力乃至十八不共法，不分別十八不共法相、性；不分別道種種智相、性；不分別一切種智，不分別一切種智相，不分別一切種智性。何以故？色不可思議，受、想、行、識不可思議，乃至一切種智不可思議。如是，是名菩薩摩訶薩久行六波羅蜜，種善根，多親近供養諸佛，與善知識相隨。」

若菩薩不見色等增減，如是名具足。是菩薩雖得十地，坐道場，爾時修般若波羅蜜具足，如夢、如幻，不增不減，以畢竟空故，若觀諸法空，象生空、法空，如是則具足修般若波羅蜜。

若菩薩久行六波羅蜜，久種善根，久供養親近諸佛，久與善知識相隨。是因緣故，信心牢固，能信受般若波羅蜜。若菩薩了知般若波羅蜜相，不分別一切法，所謂不分別色，四大若四大造色；不分別色相者，不分別色是可見，聲是可聞；是色若好若醜，若短若長，若常若無常，若苦若樂等。不分別色性者，不見色常法，所謂地堅性等。色實性，名法性，畢竟空故；是菩薩不分別法性，法性不壞相故。乃至一切種智亦如是。

般若波羅蜜是珍寶，能滿一切眾生願，所謂今世樂、涅槃樂，阿耨多羅三藐三菩提樂。

佛言：「十方既在無量無邊阿僧祇諸佛皆識，皆以佛眼見是善男子、善女人，書深般若波羅蜜乃至修行時。是中求菩薩道善男子、善女人，若書是深般若波羅蜜，受持、讀誦、正憶念，如說修行，當知是人近阿耨多羅三藐三菩提不久。是人於深般若波羅蜜，多信解相，亦供養恭敬，尊重讚歎是深般若波羅蜜，華香、瓔珞乃至旛蓋供養。諸佛皆識，皆以佛眼見是善男子、善女人。是善男子、善女人，供養功德，當得大利益，大果報。終不墮惡道中，終不遠離諸佛。」

若有書持乃至修行，皆是諸佛所護，書持等善男子、善女人，十方現在諸佛，皆以佛眼見知。佛及十方諸佛守護，不令阻壞。佛大悲相，愛徹骨髓，是菩薩能發無上道心，能供養般若波羅蜜，供養故得大果報，是菩薩一心信解，供養般若波羅蜜，亦如是愛念諸佛故，常行念佛三昧，故終不離佛。常深愛念善法故，乃至阿耨多羅三藐三菩提，終不離六波羅蜜等。得如是今世、後世大果報。

（上接第24頁「木積喻經」）

受其信施床榻、臥具，甚樂。世尊！世尊告曰：我為汝說，不令汝等學沙門失沙門道；汝欲成無上梵行者，寧令力士，以鐵銅床，洞燃俱熾，強逼使人坐臥其上；彼雖因此受苦或死，然不以身壞命終，趣至惡處，生地獄中，若愚癡人，犯戒不精進，生惡不善法，非梵行稱梵行，非沙門稱沙門，從刹利、梵志、工師，受其信施床榻臥具，彼愚癡人，因是，長夜不善不義，受惡法報，身壞命終，趣至惡處，生地獄中。是故汝等，當觀自義，觀彼義，觀兩義，當作是念；我出家學，不虛不空，有果有報，有極安樂，生諸善處而得長壽。受人信施衣被、飲食、床褥、湯藥，令諸施主，得大福祐得大果報，得大光明者，當作是學。說此法時，六十比丘，漏盡結解。六十比丘，捨戒還家。所以者何？世尊教誡，甚深甚難；學道亦復甚深甚難，佛說如是，彼諸比丘，聞佛所說，歡喜奉行。